

Minister Michelle Hooyboer Winklaar:

Ta traha cura nobo awor pa Mon Plaisir Scol preparatorio y Basico

ORANJESTAD- Cerando e siman cu a pasa, un proyecto mas cual tabata den preparacion pa algun luna caba, a keda concretisa y aproba pa Fondo Desaroyo di Aruba (FDA).

Na oficina di DOW, encargada pa planea y ehecuta tur proyecto di renobacion of construccion di e scolnan di Aruba, a tuma luga e ceremonia oficial di firmamento caminda a otorga e trabao oficialmente na ganado di e des-taho publico, esta e compania C2 Construction.

Na e ceremonia cortico tabatin representantenan di

DOW, C2 Construction, Departamento di Enseñansa, FDA, Ministerio di Enseñansa, e scol Mon Plaisir y e fundacion encarga cu e scol aki cual ta SPCOA.

Tanto Mon Plaisir Basis-school como Mon Plaisir Kleuterschool a pasa den un proceso di renobacion completo. E aña escolar 2014-2015 nan a drenta nan scol renoba, pero a nota 2 punto hopi critico, cual tabata cu no a pone airco na e scol como tampoco no a inclui un cura nobo ya cu loke tin actualmente ta den un mal estado y no ta cumpli cu e normanan pa por brinda seguridad ni na

estudiante ni tampoco na e docenten.

Entretanto, despues di deliberacion y esfuerso pa negocia proyectonan di renobacion di nobo y hasta cortamento den presupuestonan existente, Minister Michelle Hooyboer-Winklaar a logra pa aloca extra fondo pa instalacion di airco pa e scolnan. Esaki a sosode asina scol a habri den 2104 y mester a busca extra fondo pa por a ehecuta e parti di cura nobo pa Mon Plaisir Scol preparatorio y Basico. Awo a logra aproba e proyecto adicional aki y awor lo start e plannan y ehecucion di e trabou.



“Ainda tin varios proyecto cu ta den preparacion, sperando aprobacion na FDA pa mi por

comunica esaki cu Pueblo di Aruba”, asina e mandatario a termina bisando. □